

عروس القرآن .. " سورة الرحمن " .. الجزء الأول .. الحلقة (9) ..

#راجع_لك_يا_رب .. د . حازم شومان

حازم شومان

يا نفس توب عن العصيان وابتعد السلام عليكم ورحمة الله وبركاته. الحمد لله وكفى وصلاة وسلاما على عباده الذين اصطفى. اللهم لك الحمد كله ولك الملك كله وبيدك الخير كله واليك يرجع الامر كله. لبيك يا ربنا وسعديك والخير كله في يديك. والشر ليس اليك انا بك واليك - 00:00:00

تباركت وتعاليت. استغفرك واتوب اليك. يا رب جنتك نادما. ابكي على ما قدمته يداي. لا اتبالي اخشى من العرض الرهيب. اخشى من العرض الرهيب عليك يا ربي. واخشى منك اذ القاك. في يوم - 00:00:35

سنة وعشرين اتناشر الفين واربعة. تحديدا الساعة ستة الصبح تقريبا. فجأة كائن من الكائنات الوديعه جدا المطيعة جدا. المسخرة جدا قلب ينقلب كائن ثاني ينقلب وحش هائج. بحر البحر المحب باندونيسيا ينقلب وحش هائج. ويتحول الى زلزال ارتفاع الموجة فيه ثلاثين متر. يعني - 00:00:55

ارتفاع برجين فوق بعض بعرض البحر. تخيل لو انت واقف على شط لقيت برج برجين بارتفاع برجين وبعرض البحر امواج هجمة عليك. وسرعتها شكلها ايه ايه؟ في خلال ثواني تلتمية وعشرين الف بني ادم كانوا قبلوا ربنا سبحانه وتعالى. كانوا ذهبوا الى عالم البرزخ الى الله سبحانه وتعالى. تلتمية - 00:01:15

وعشرين الف بني ادم باتوا في دقائق وكانت المفاجأة. رغم ان التلتمية وعشرين الف واحد منهم كان في ناس والعياذ بالله. في حالات زنا في هذه الاماكن اللي انتشرت بهذه الجرائم. منهم ناس كانت بتشرب خمر. منهم ناس كانت سهرانة على البلاج الى الصباح. فتيات وشباب منهم ومنهم ومنهم. ومنهم اللي مات على كبائر - 00:01:35

ونام وهو لا يدري ما سيحدث له. تلتمية وعشرين الف بني ادم ماتوا في دقائق. وكانت المفاجأة. المفاجأة المبهتة. او المفاجأة مدينة بندا اتشير مدينة من المدن الكبيرة المشهورة هناك. بتصورها الطائرات. الطائرة مصورها من فوق. المدينة كلها اتطحنت. اتعجنت. اختفت. ما عدش فيه ملامح للبيوت - 00:01:55

الا مبني واحد. المسجد اللي في وسط هذه المدينة مبني وحيد. فبعض الناس لما شافت هذا المنزر وتصور قالوا لا يمكن الهندسي يمكن المتانة الهندسية يمكن فيه اي حاجة. في مدينة ثانية جنبها اكتشفوا مسجد على بعد عشرين متر من البحر. عشرين متر - 00:02:15

ان المواجهة المباشرة للزلزال البحري. عشرين متر ومسجد مبني من الخشب. كل المدينة اطحنت ما عدا هذا المسجد. سبحان الملك احدى السفن. الامواج شالتها حوالي نص كيلو او كيلو متر جوة المدينة - 00:02:35

كل المدينة اتطحنت اختفت. الزلزال جرفها اصلا جرفها بكل من فيها من الجثث. واذا بالسفينة بترسف مكان كل الكلام ده متصور صوت وصهرة متصور واذا بالسفينة بترسى امام جامع في هذه المدينة هو المبني الوحيد اللي نجا في هذه المدينة. جامع اخر - 00:02:49

الملك جمع اخر في هذه المدن اللي واجهت الزلزال مباشرة. جامع اخر يعني الموجة جت دمرت كل ما في المدينة ما عدا هو لدرجة ان بعض الناس اسألوا الموجة اتشقت عند الجامع سم التأمت مرة اخرى حتى تحصد. كل ما حول هذا الجامع. انا عايز اقول ايه يا

جماعة؟ انا عايز اقول انا نفسي اعرف. بعد - 00:03:09

كل الايات اللي ربنا بيوريها لنا دي. سواء اية الزلزال او اية حفظ بيوت الله سبحانه وتعالى. بعد كل الايات دي انا نفسي اعرف مين

اللي بييجي له الجرأة وقلب يعصي ربنا. بعد كل - 00:03:29

الايات ديت مين اللي بييجي له الجرأة ينتهك حدود الله بعد كل الايات ديت. لسة فيه ناس خايفة على رزقها. بعد كل الايات ديت لسة العلمانيين الضالين قاعدين يحاربوا ممنهج ربنا سبحانه وتعالى. ويختاروا مناهج غير مناهج ربنا. يا جماعة فيه ناس فينا خايفة من

انفلونزا الخنازير. اكثر ما خايفة من الملك اللي خلقها سبحانه وتعالى. انا عندي سؤال - 00:03:39

وقال لكل واحد منّا تخيل لو الوقت حشده الناس في استاد القاهرة وقالوا لك تعال انت هتكلم الناس الغفلة داهي كلها خطبة عشان تفوقها وتقلبها هتقول ايه موقف صعب جدا طب تخيل لو قفلوا كل القنوات وكل الفضائيات وكل الازاعات معنا قناة واحدة بس وكل

الشعب قاعد يتفرج عليها ومستنيينك انت هتيجي امامها - 00:03:59

هذا الشعب كله هتلقى بيان هتفوق الناس كلها. تقدر! طب تخيل بقى لو هتلقى بيان على سكان الكرة الارضية كلهم. انس وجن حكام حكام ومحكومين اغنياء وفقرا. ستات ورجالة واطفال. علماء واميين تقدر! موقف رهيب! هو ده يا جماعة موضوع سورة الليلة! هو

ده موضوع - 00:04:19

الرحمن لما الارض تمردت على ربنا. لما الناس والجن تمردوا على ربنا. لما الكل يحارب الاسلام. لما الكل يحارب الدين. لما الارض

فجرت. لما المعاصي انتشر لما حصل الموقف اللي احنا فيه الوقت ده بس من الف وربعمية سنة نزل بيان من السماء نزل بيان وهو

سورة الرحمن فباي الاء ربكما - 00:04:39

تكذبان خطاب من الله للانس والجن. خطاب اوله كلمة مبهرة مبهته. الرحمن. الرحمن يعني ايه؟ زي ما نكون واقفين في ديوان رئيس الجمهورية ديوان رئاسة الجمهورية وفجأة واحد جه وقال رئيس الجمهورية كله يقوم منتبه ايه رئيس الجمهورية ما له؟ لابد ان فيه

حاجة خطيرة جاية - 00:04:59

زي مقدمة صورة الحق الحاقة يعني ايه اذكروا الحاقة؟ الحقم يا تلحقوا يا ما تلحقوش فيه قضية فيه حاجة عايزة نفتكرها يا جماعة سورة الرحمن بتقول لك افكر. افكر اللي ربنا عمله لك. افكر اللي ربنا عمله لك. سورة الرحمن يا جماعة لاول مرة بنكتشف. لو واحد

مننا الوقت - 00:05:16

الوقت احنا عرفنا خلاص. لو واحد منّا الكرة الارضية كلها بسكانها كلها وقفوا قدامهم. رجالة وستات واطفال واغنيا وفقرا واميين

وعلماء وحكام ووزرا وغفرا لو كل الكرة الارضية وقرى ومدن كلها وقفت قدامك الوقتي هتكلمهم في ايه؟ هتكلمهم في اللي ربنا

كلمهم فيه في سورة الرحمن - 00:05:36

البيان الكوني ده اهو البيان سورة الرحمن كلمة شقت سبع سماوات كل الكون اتزلزل لها معنى الناس والجن ما عدا احنا اللي قلوبنا ما اتزلزلتش لها. كلمة في الاول بتخطف القلوب يا جماعة. يعني ايه الرحمن؟ الرحمن على وزن فعلان. زي غضبان. غضبان يعني غضب

غضب. ما فيش حد هيقدر يوقفه - 00:05:56

يعني رحمته هتعلو فوق اي كرب. كم مكروب احاطت به اسباب الكرب. ونفزت ونفز فرج ربنا له. وفرج الرحمن له كم مريض احاطت باسباب المرض في كل مستشفى من مستشفيات الدنيا ونفذت رحمة ربنا له وشفاه. كان فقير احاطت باسباب الفقر وربنا اغناه -

00:06:16

كم واحدة خلاص كانت قربت من الاربعين عدت قربت منها خلاص مش هتتجاوز خلاص هتعيش عمرها بدون زوج ورحمة ربنا نفذت لها ورزقها زوج احسن من اللي كانت هتتجوزه وهي عندها عشرين سنة. كم يا جماعة؟ كم؟ كم واحد؟ كم شاب ضال؟ وكم انسان

ضال زي سلمان الفارسي؟ خلاص اسباب الكفر محيطه به - 00:06:36

ورحمة ربنا نفذت له من وسط الشرك بتاع العرب ووسط التثبيس بتاع النصارى ووسط الكفر بتاع اليهود ووسط عبادة النار بتاعة

مجوس رحمة ربنا نسبت له. الرحمن اللي رحمته بتنفذ في اي كرب. الرحمن دي كلمة اية ده اية. الاية دي المفروض يعني حاجة

حياتك تقلبك تركعك تسجدك توصل قلبك بالله. الكلمة دي توصل قلبك بالله بس ايوه عارفين كلمة الرحمن في الحديث القدسي مشتقة من ايه من الرحم اشمعنى الرحم؟ الرحم بيحيط من الجنين من كل ناحية. رحمة شاملة. وفيه حبل سري نازل لجوة الجنين

بيعمل له كل الخدمات - 00:07:16

الطبية والصحية والتغذية رحمة نافذة. شوفوا منظر الرحمة الرهيبة دهيت ادي رحمة ربنا بك. اهي دي رحمة ربنا بك. كلمة الرحمن المفروض تغير اول اية الرحمن يعني ايه يعني افتركوا الرحمن عمل لكم ايه ؟ وهو ده اول موضوع في الصورة. اول موضوع ركزوا معي. افتركوا رحمت الرحمن. افتركوا اكرام - 00:07:36

الرحمن السورة مرتين زكرت زو الجلال والاكرام. افتركوا اكرامه وافتركوا جلاله. ده التلت الاولاني افتركوا اكرام الرحمن. افتركوا عمل لكم ايه افتركوا ان الشيطان عايز ينسيكم اياه ولا تجدوا اكثرهم شاكرين. انا هاتوهم انا هاتوهم يا رب لغاية ما حدش منهم

يفتكر انت عملت له ايه. لان لو حد منهم - 00:07:56

انت عملت له ايه ؟ حياته هتتقلب. حياته هتتغير هيكتشف اخيرا. مصدر كل سعادة في حياته ايه ؟ اول جزء في الصورة فكر الرحمن عمل لكم ايه؟ الرحمن عمل ايه؟ سر رحمت بقى. تمن ابواب من فيوضات الرحمة وسيول الرحمة. فجأة جت على القلوب تجري في

اي - 00:08:16

اي عند واي غرور فيها. احنا قلنا في اول السلسلة ان كل سورة منصور الجزء السبعة وعشرين من اول قاف لغاية وقاف قبل الجزء

بصفحتين يعني. لغاية سورة الحديد بتعالج - 00:08:36

منع من موانع الهداية. سورة الرحمن بتعالج منع الغرور بالنعم. اه ربنا اداني واداني خلاص بقى نسييت. لأ فوق. ده انت ممكن تتحارب من النعم دي كلها من اولها لاخرة في الدنيا والاخرة لو اغتريت بهذه النعم. زي ما هنشوف الوقتي. يبقى اول حاجة افترك ربنا رحمك

قد ايه. افترك عمل لك ايه؟ افتركي. كرمك قد - 00:08:46

قد ايه الرحمن. اول رحمة من رحمته علم القرآن. ليه يا رب؟ اول حاجة علم القرآن. قبل خلق الانسان اه. لان الانسان من غير قرآن ما هوش انسان اصلا خلق الانسان قبلها علم القرآن وبعدها علمه البيان. من غير اللي قبلها واللي بعدها كان زي الحيوانات بالزبط. ما

فيش اي فرق بينه وبين الحيوانات. علم القرآن في - 00:09:06

ايوة احد الناس في يعني مدينة من المدن المشهورة بالسياح قعد مع بعض السائحين الالمان واحد يكلمهم في الاسلام وكانوا سايحين ولا بسين لبس بقى المصايف بتاعتهم فواحدة قالت له انا انا انا ممكن ادخل في الاسلام بس انا لا يمكن اسيب الخمرة. قال لها طيب

وايه كمان - 00:09:26

كمان يعني قالت له ولا يمكن اسيب يعني لبس البحر اللي هو بيسموه المايوه والكلام ده ما اقدرش اسيبه ابدًا. قال لها طيب بس

خدي بالك انك كده مش هتجيبني عشرة من عشرة انت كده هتجيبني مسلا ستة من عشرة ولكن - 00:09:43

احسن من صفر من عشرة. هذه الفتاة الان الان محجة ولها جهد في دين ربنا. بنت تانية كانت قاعدة جنبها قالت له يعني قام مشغل لها قرآن بصوت الشيخ ماهر المعيقلي امام الحرم. شغل لها قرآن بصيته. قعدت تبكي لمدة ساعة كاملة وهي مش عارفة ده ايه. بتقول

هو ده القرآن! من كتر تأثرها مش فاهمة كلام - 00:09:53

المانية المانية المانية يعني. يعني المانية بحق وحقيقي. من كتر التأثر بالقرآن. قعدت تبكي. بنت هزه طبعًا هي اسلمت هي وبنتها

دلوقتي بنتها عندها تمن سنين بفضل الله لا تنام الان الا والوك من بالقرآن سماعات القرآن في ودنها. ما تنامش غير على القرآن. يا

جماعة علم القرآن. اية واحدة - 00:10:13

انقزت كم واحد من الخلود في جهنم لما سمعها؟ اية واحدة لو انا شرحتها لك او حد شرحتها لك. او حد من العلماء شرحتها لك. وشفت

الاعجاز اللي فيها ممكن حياتك كلها - 00:10:33

تتغير وتتنقلب. اية واحدة كل اية من الست الاف متين ستة وتلاتين اية اقوى من اية عصا موسى. اقوى من اية شق البحر لموسى.

اقوى من اية جت ابراهيم من النار علم القرآن كل سورة فيها رحمت قد ايه. كل سورة فيها كرم من ربنا قد ايه. علم القرآن. طب ليه
اول حاجة - [00:10:43](#)

الرحمن علم القرآن لانك مش هتعرف الرحمن من غير القرآن. ولان اكثر حاجة هتوصلك بالرحمن وتوصل قلبك به هي القرآن يا اللي
عايزين توصلوا للرحمن. يا اللي عايزين تبقوا من عباد الرحمن. القرآن هو الطريق - [00:11:03](#)

تعلم القرآن طب ليه علم القرآن اول نعمة في سورة النعم والرحمات؟ لان الدين هو اعظم نعمة في حياتنا. الدين هو اكبر نعمة في
حياتنا يا جماعة. السورة بدأت اعظم رحمت الدنيا وختمت باعظم رحمة في الاخرة اللي هي الجنة. عايزين نعرف سورة الرحمن
ورحمات الرحمن. عايزين نعرف نعم ربنا. عشان ما نتحرمش منها عشان ما - [00:11:20](#)

ما حدش مننا خلق الانسان. خلق الانسان انت كلك رحمة. انت كل حاجة فيك رحمة. يا جماعة يا جماعة الحاجب ده هو الحاجب ده
مش رحمة. ملكة جمال العالم لو - [00:11:40](#)

هجيبتها هتبقى انسانة مخيفة هتبقى انسانة مرعبة صح؟ يعني انت لو حواجبك راحت تعملي ايه؟ اهو دي حاجة بسيطة. الضافر
الصغنى داهو لو اتنازع شف الالم مش هتعرف تنام اسمه - [00:11:50](#)

وممكن اكثر من كده عشان ضفرة يتشال بس. لسان المزمار حته اللحمة الصغيرة اللي في الزور هنا هوت. ده عسكري مرور ربنا
حاططها في زورك. اول ما يبجي الاكل ينزل عسكري المرور على دور يقوم قافل. المدخل التنفس عشان الاكل يعدي. اول ما الاكل
يبطل يقوم على - [00:12:00](#)

فاتح مجرى التنفس عشان الهوا يدخل عسكري مرور. حته لحمة صغيرة من غيرها كنت تموت. حته لحمة صغيرة من غيرها اقل بق
مية كان يموتنا كلنا على طول. ربنا ما انسانش حاجة - [00:12:20](#)

ربنا ما نساخ حاجة في رحمتك في خلقك في كل زرة في جسمك وفي كل عضو في جسمك. الرحمن يا جماعة اللي قاعد قدامكم
دلوقتي قدامي ثلاث كاميرات. كاميرا قريبة كاميرا بعيدة كاميرا - [00:12:30](#)

وابعد ليه؟ عشان الصورة تيجي واضحة. لو انا حبيت الوقتي اعمل موقف يعني غلس شوية ورجعت نص متر ورا. المخرج ما
تعرفوش هيحصل له ايه؟ لان الصورة هتبوظ. لان دي - [00:12:40](#)

كاميرات بشرية. انا عيني عشان تشوف الثلاث كاميرات ربنا ما ادانيش ثلاث عيون. عين للقريب وعين للبعيد وعين للابعد. ربنا اداك
عين بتجيب الزوم بتاعة كل حاجة كثيرا لما بقابل ناس في الشارع يقولوا لي انت شبه اللي بيبجي في قناة الرحمة بس انت تخين
يعني هو آآ بس انت رفيع هو تخين اقول سبحانه الله الكاميرا حتى - [00:12:50](#)

بعد ثلاث كاميرات مش جابية الحجم الحقيقي. عينك بتجيب كل حاجة بالحجم الحقيقي. باللون الحقيقي. بكل حاجة يا جماعة. يا
جماعة ده ايات من ربنا سبحانه وتعالى. ايات من الملك سبحانه وتعالى - [00:13:10](#)

لو كان ربنا سبحانه وتعالى ما فتحش الفاتحة اللي ما بين المخ في الجمجمة اللي بتوصل العصب البصري للعين كان زمانا كلنا بقينا
عمي. كنا بقينا زي الدود اللي تحت الارض - [00:13:23](#)

ادعني. لو كان ربنا خلق الرئة رئة واحدة بس. رئة واحدة لو كانت بازت كان الانسان مات كان كثير جدا ماتوا بالاختناق كثير جدا
بتبوس عندهم رئة. والرئة الثانية بتكمل زي كلى - [00:13:33](#)

والكلى الثانية بتكمل. طب لو كان ربنا خلق الرئة صغيرة كنا مشينا نلهث زي الكلاب. لان الهوا اللي داخل مش كفاية. لان حجم الرئة
مش كبير فعايز هوا كثير جدا يدخل ويطلع بسرعة طب لو كان ربنا سبحانه وتعالى خلى الكوع ده مش موجود؟ يعني تيجي تاكل

تاكل اللي جمبك كنا وطنينا زي الانعام - [00:13:43](#)

ناكل ببقنا. يعني من غير لو الرقة صغيرة كنا لهسنا زي الكلاب. لو ما فيش كوع كنا كلنا من الاطباق ببقنا زي الانعام. لو ما فيش العصب
البصري الفتحة بتاعته كنا عشنا معميين زي الدود. لو التمانين عضلة للتعايير في وشك مش موجودة. كان بقى وش الانسان زي وش -

[00:14:03](#)

الحمار او وش التعلب لا فيه ضحك ولا فيه فرح ولا فيه حزن ولا فيه قلق ولا فيه دهشة قد ايه رحمك قد ايه رحمك قد ايه يا جماعة
يا جماعة اول مرة عملوا السكك الحديدية - [00:14:23](#)
في العالم جم في الصيف لقوا السكك الحديد اتمددت. كسروها ورجعوا بنوها من تاني. واكتشفوا قانون اسمه قانون التمدد بالحرارة.
ربنا خلق في جسمك كله رحمة تحسب لاي زرف تتدبر في جسمك يعني في القطب الشمالي درجة الحرارة سبعين تحت الصفر. فلما
نزل العلماء هناك خدوا معاطف كثيرة جدا جدا عشان يعيشوا هناك ويبحسوا علميا هناك - [00:14:33](#)
فلاحظوا الله! طب ما العين الماية اللي عليها دي المفروض تتجمد! ده سبعين تحت الصفر! والاول مرة يكتشف الانسان ان مية العين لا
تتجمد! فيها مادة ربنا خلقها من يوم ما الانسان نزل على الارض من الالف السنين لا تتجمد. ربنا يعني وضع فيك اللي بعد عشر تلاف
سنة اما تروح القطب الشمالي او الجنوبي - [00:14:56](#)
عينيك لا تتجمد وعشان ما عشان تنتفع بالخبرات اللي في القطب الشمالي الجنوبي. ربنا يا جماعة ربنا رحمته بك في جسمك قد ايه.
اللي جا له سرطان مئانة وعمل عملية وركبوا له - [00:15:16](#)
دعاء بدل المسانة ما يعرفش ينام ساعتين عشان يدخل الحمام. اللي جه عنده سكر ما عدش يعرف ينام ساعتين عشان يدخل
الحمام. يا جماعة يا جماعة عايزين نعرف رحمة ربنا سبحانه وتعالى بنا - [00:15:26](#)
قد ايه في حياتنا رحمت الملك رثك ديت لو كانت من غير غشاء حوالها. كانت كل ما تتنفس تقوم تحك في عضم الضلوع. كانت
هتلتهب النفس عذاب عذاب لو كان ما فيش حجاب حاجز تحتها كان كل ما تاكل المعدة تقوم ضاغطة طالعة لفوق على النفس. كنت
اتخنق لو كلت كثير - [00:15:36](#)
يا تاكل يا تتنفس. يا اخواني انا عايزكم تتدبروا ربنا يرحمكم قد ايه. ربنا رحمتنا قد ايه ما بين كل عضلة والدانية شوية دهن عشان لما
يشتغلوا ما يحتكوش ببعض - [00:15:56](#)
وان كانت هتبقى التهابات اليمه في كل عضلة في الجسم شغلته نص ساعة ولا ساعة. يا جماعة انا عايز انا نفكر ربنا يرحمنا قد
ايه ربنا سبحانه وتعالى ملأ خلقنا برحمت شكلها ايه من عنده سبحانه وتعالى خلق الانسان. علمه البيان. علمه البيان يعني ايه؟ خمسة
مليون - [00:16:06](#)
كائن على وجه الارض. منهم طبعا يعني يعني مئات الالوف انقرضوا بل اكثر يعني. خمسة مليون كائن على وجه الارض. الكائن الوحيد
اللي بيعرف يتكلم بعينه ويحرك عينيه وبلغة العيون يتكلم - [00:16:26](#)
الانسان. خمسة مليون كائن على وجه الكرة الارضية. خمسة مليون نوع. الكائن الوحيد اللي اللي تعبير وشه ببيان عليها الضحك
والحزن والفرح والقلق والدهشة. هو انت مش غيرك على وجه الكرة الارضية. النوع الوحيد اللي يعرف بنبرات صوته يزودها ويقفلها
وينعمها. ويعبر عن اللي جواه بها هو انت مش غيرك. خمسة مليون نوع على وجه - [00:16:36](#)
الكرة الارضية. النوع الوحيد اللي يعرف يتكلم خمس تلاف لغة بلسانه هو انت مش غيرك. بخمسة مليون نوع على وجه الكرة
الارضية. النوع الوحيد اللي بصوابه يكتب شعر ويعرف يكتب ويعرف يرسم. ويعرف يحفر ويعرف ينحت. ويعرف يكتب كتب
ويألف كتب في السياسة. هو انت مش غيرك. خمسة مليون - [00:16:56](#)
على وجه الكرة الارضية. النوع الوحيد اللي يعرف يحرك ايديه ورجليه. ويحرك ايديه مع الكلام عشان يبين على اللي جواه. هو انت
مش غيرك. انا عايزك تعرف لو كلب رفع - [00:17:16](#)
ايدته كده هيعملوه معجزة بس. امال انت امال انت اللي ربنا اداه لك ده ايه؟ لو قطة غمزت بعينيها كانت الناس اللي حوالها وقعت
من طولها ايه الاعجاز ده! لو - [00:17:26](#)
لو تعلب ضحك ولا حمار بكى دمة كانت الناس كلها انهارت من الانبهار باللي حصل. انت شف ربنا اداك ايه كم مليون كلمة ممكن انك
تكتبها. كم مليون كلمة ممكن لسانك ينطقها؟ كم الف نبرة؟ ممكن صوتك يطلعها؟ كم الف ملمح وتعبير من تعبير الوش والدهشة
والقلق - [00:17:36](#)

والحزن والفرح ممكن وشك يجيبها. كم مليون قصيدة ممكن الشعراء يكتبوها كم يا جماعة؟ علمه البيان. ربنا علمك في تكون اسمها لغة لغة العيون يا جماعة لغة من غير ما تتكلم. البيان يعني انك تقدر تعبر عن اللي جواك. شوفوا من رحمته بكم. العين لها لغة. طب وتعبير الوش في علم - [00:17:56](#)

مش مهم علم التعبير الصامت. انك انت بس بتعبير وشك تنقل. طب والايدين والرجلين؟ من غير ما تتكلم في لغة الصم والبكم بالايدين بس من غير ما تتكلم. طب لو اتكلمت خمس تلاف لغة ربنا مكن البشر ان هم يتكلموا بهم. طب الصوت الصوت نبرات الصوت في علم اسمه علم الالقاء - [00:18:16](#)

القاء الشعر كنا ايام سنة ونروح مسابقات القاء الشعر. كله معتمد على نبرة صوتك في التعلية والتوطية وانت بتتكلم. طيب في الايدين علم شعر والرسم والنحو طب يعني ايه انا عايز اقول لك ربنا اداك بيان قد ايه رحماك قد ايه معجزة نطق كلمة واحدة بلسانك اللسان فيه تمتناشر - [00:18:36](#)

كل حرف من الحروف عشان يتنطق كل عضلة من العضلات دي لها وضع بتتحرك فيه. يعني عشان تنطق كلمة من حرف تمتناشر حركة بتحصل جوة لسانك طب عشان تنطق كلمة عشر حروف مية وتمانين حركة. كلمة الحمد لله كم حرف؟ عشر حروف. يبقى لسانك بيتحرك فيها مية وتمانين حركة. يبقى بتقول الحمد لله مرة - [00:18:56](#)

ربنا بيديك في لسانك بس مية وتمانين نعمة. هتعوضها ازاى؟ وهتكافى ربنا على نعمه ازاى وامتى؟ معجزات انت كنت الاول نطفة. نطفة اسمها حيوان. العلماء اللي سموها كده. مش حد مننا. العلماء اللي يسموها حيوان في الاول. حيوان. بعد كده حصلت اول معجزة. الحيوان بقى - [00:19:16](#)

عظم وخلايا عصبية وخلايا لحم. بعد كده حصلت ثاني معجزة. الخلايا بقت سمع وبصر وقلب وكبد وكلى. بعد كده حصل الثالث معجزة شوية اللحم والدم دول بقى بيحب ويبكره ويبغضب ويبيرضى وبيندهش - [00:19:33](#)

كده حصلت رابع معجزة بقى بيقدر يكتب شعر ويألف ويعبر عن اللي بنفسه ويمسك القلم يكتب كلام ايه يا جماعة ده! ايه ده! وكل ده كان في الاصل حيوان منوي اقسام الشاشة نصين. نص فيه الحيوان المنوي. نص فيه خطيب واقف بيخطب. ونص فيه شاعر قاعد يكتب قصيدة حب - [00:19:49](#)

ونص فيه واحد حماسي زعيم امة بيخطب في امته. ونص فيه واحد اقسام الشاشة عشان تعرف الرحمة رحمة الرحمن رحمة الرحمن لما نزلت على الحيوان المنوي خلته يهي. لما ربنا علمنا البيان عملنا به ايه؟ اللي بيكتب شعر كتب شعر لحبيته. واللي بيعرف يرسم - [00:20:09](#)

رسم به ايه وكده واللي اتكتب شعر كتب عن ايه واللي كتبه كتب حاربوا بها ربنا قد ايه. واللي عارف يقول كلام حلو بلسانه راح ضحك به على بنات الناس ازاى - [00:20:29](#)

واللي بيعرف يسبل بعينه يستخدم ده في ايه؟ واللي بيعرف يمسل بحركات وشه راح مسل افلام حارب بها الملتزمين والتيار الاسلامي. واللي بيعرف يمسل تاجر راح ضحك على الناس في الغش والخيانة والكذب لما ربنا علمنا البيان عملنا ايه. علمه البيان. الرحمن. الرحمن من غير البيان كان زمانك ايه - [00:20:39](#)

والقبر بحسبان. ازاى؟ يا جماعة الاية دي رهيبة يا جماعة. الشمس والقمر بحسبان عارف يعني ايه. عارف الام والاب لما ببيجي بنوم في الصيف يقولوا لأ يلبسوا لبس في فص يصعب علينا يحتار. طب في الشتاء لأ لبس تقيل يصعب علينا يبرد. بحسبان ربنا حسب لك كل حاجة حواليك. عشان لتبقى في حر ولا تبقى في برد ولا - [00:20:59](#)

انا تعبان. حسبان لو الشمس كانت باعنت اكثر من كده شوية كنا الارض بقت فريزر. كنا اتجمدنا زي الفراخ اللي في الفريزر كده. طب لو الشمس قربت شوية كنا اتشواينا - [00:21:19](#)

واتسهرنا من الشمس. طب لو الشمس كانت اكبر من كده شوية كنا الارض بقت حرارة قاتلة فرن ومتنا طب لو الشمس كانت اصغر من كده شوية كان زمان طب لو الشمس كانت اكبر من كده كنا اتشفطنا بالجازبية بتاعتها. طيب لو آآ لو الليل والنهار كانوا يعني

اطول من كده او اقصر من كده كان ما فيش حاجة اسمها زراعة على - 00:21:29

الارض كنا متنا من الجوع. طيب لو الغلاف الجوي كان اصغر من كده واوطى من كده كانت الشهب والنيازج ما ما اتحرقتش به
واترجمنا من السما. طب لو القمر كان اقرب او ابعد كان المد والجزر ملوا الارض وغرقنا كلنا تحت الماية. طيب لو القشرة الارضية
كانت اتخن شوية كانت مصة الهوا اللي في الارض كله ومت - 00:21:49

مخنوقين. طب لو كانت رفيعة عن كده شوية القشرة الارضية كانت الحمم والبراكين اللي تحتها كسرتها. وطلعت سهرتنا وقتلتنا كلنا.
يعني ايه كسبان يا جماعة. ربنا سبحانه وتعالى شوفوا الحنان صفة الحنان. سابتة لله في القرآن والسنة واقوال الائمة. صفة الحنان.
الحنان الرباني. انت لسة مش - 00:22:09

نفسك. انت لسة مش مكسوفة من نفسك. انت لسة ما انتاش حاسس هو عمل لك ايه ؟ ما انتيش فاهمة هو عمل لك ايه. وربنا يقول
والشمس والقمر بحسبان. الشمس الاول ليه ؟ - 00:22:29

والشمس والقمر يعني يعني يقدموا ليه ؟ يا جماعة دي كائنات مسجلة خطر يا جماعة. الشمس دي السنة اللهب على سطحها امتدادها
نص مليون كيلو متر الشمس دي الرياح الشمسية اللي طالعة منها تحرق الارض واللي عليها لولا الغلاف الجوي. الشمس دي الانفجارات
اللي جواها اقوى من الاف القنابل النووية. الانفجار الواحد. يعني - 00:22:39

بس دي وحش رهيب. انا جبت اخطر اتنين مسجلين خطر على وجه الارض. وشغلتهم خدامين عندك. تخيل بقى! يبقى شف ربنا عمل
لنا ايه! كائنات مسجلة خطر ربنا سخرها لنا تشتغل تحت خدمتنا. الشمس والقمر بحسبان حساب دقيق زي ما قال ابن تيمية -
00:22:59

والنجم والشجر يسجدان يسجدان بسخط المضارع. على طول في سجود على طول في سجود على طول في سجود. يعني ايه ؟
النجم اللي هو النجيلة. نجيلة ملعب استاد القاهرة بيصبح ربنا. نجيلة نادي الشمس ونادي ونادي الجزيرة ونوادي بتسبح ربنا. النجيلة
بتاعة حديقة الازهر اللي البنات والولد - 00:23:16

بيروحوا يحبوا بعض من الساعة سبعة الصبح بتسبح ربنا. ان النجيلة اللي احنا بنعصي ربنا عليها ليل نهار بتسبح ربنا. ده النجم.
النجيلة اللي طالعة من الارض والشجر الاشجار كبيرة. يا جماعة اصغر نملة اصغر نملة سبحت ربنا اكثر من اكثر واحد فينا في حياته.
النبته الصغيرة دي اللي هي النجم دي ديت عارفك يا رب - 00:23:36

حتى النبته الصغيرة واحنا مش عارفينك. الشجر ده فيه شجر عمره متين سنة وتلتमित سنة وربعميت سنة لغاية دلوقتي. بقى له
ربعميت سنة ما يببطلش سجود وعبادة لك يا رب - 00:23:56

امال احنا يا رب عبدناك قد ايه يا رب! والشجر يسجدان! النجم النبته من وهي صغيرة لغاية ما بتكبر كل عمرها سجود وتسبيح!
عارفين يعني ايه شجرة تسجد الشجرة ممكن يكون فيها ميت الف ورقة ومليون ورقة. كل ورقة بتسبح ربنا بتقول سبحانك! لو
الشجرة اتسجدت لربنا هتسبح ربنا مليون - 00:24:06

في اللحزة الواحدة. يعني انت تشبيحك ايه جنب تسبيح الكائنات الثانية وعبادتك ايه! جنب عبادة الكائنات الثانية انت ايه! احنا
وصلنا لايه يا جماعة ده النجيلة اللي احنا بنعصي ربنا عليها بتسبح بحمد ربنا اكثر مننا. النجم والشجر يسجدان. كنت في مكان خلوي
من عدة ايام. معي احد اخواني - 00:24:26

فبابص للشجرة الشجرة حوالها مسلا فيها يجي خمس تلاف ورقة. باقول له تخيل لو دول خمس تلاف واحد زينا قاعدين يجأروا
بالتسبيح لربنا سبحانه تخيل قلوبنا هتتخلع قد ايه ؟ و هنتكسف من نفسنا قد ايه ؟ ما هو الكون كله ببسبح اهو. كله ببسبح اهو. يا
جماعة تخيلوا لو ربنا كان سمعنا صوت بكاء البحر من - 00:24:46

لو الناس اللي رايعين المصايف بعد الامتحانات ربنا سمعهم. تسبيح البحر بامواجه وهم قاعدين يعصوا ربنا على الشطة يعملوا ايه. لو
اللي معدي في السما في اول الشتاء والشباب واقف في الجامعات. يعصي ربنا في ساحات الجامعات. لو السحاب سمعنا صوت
تسبيح وهو معدي. كنا عصينا ربنا! يا جماعة لو - 00:25:06

لو سمعنا تسابيح اسد. لو سمعنا تسبيح جبل. لو سمعنا وشفنا بكاء جبل من خشية الله. زي ما العلماء قالوا في التفسير. كل الينابيع

المتفجرة من الجبال هي بكاء الجبال - 00:25:26

الله. يا اخواني يا اخواني تخيلوا لو كان ربنا كشف لنا هذه الاشياء. كنا اتكسفنا من نفسنا. قد ايه لسه ما اتكسفتش من نفسك؟ لسه ما

عرفتش تعباتك قليلة قد - 00:25:36

ده دول النجم والسجر اللي ربنا لا يعلمهم القرآن ولا علمهم البيان. حياتهم كلها سجود. امال اللي جه للقرآن. واللي اتعلم البيان المفروض البيان ده تبين اللي ربنا عن حبك له قد ايه وعاطفتك تجاه الخوف منه قد ايه؟ والنجم والشجر يسجدان والسماء رفعها يا

الهي! السماء الرهيبة ديت - 00:25:46

بقدره ربنا قدرة هائلة رفعها ووضع الميزان. وبعد كده في امرين الا تطغوا في الميزان واقيموا الوزن بالقصة ولا ايه؟ ولا تخسروا الميزان. الا تطغوا في الميزان ولا تخسروا الميزان. هو الكلام ده عبارة عن ايه؟ دول امرين. الميزان الاول غير الميزان الثاني. الميزان

الاول الا تطغوا في الميزان ميزان الحق - 00:26:07

ميزان التعامل مع الحق والميزان الاخر ولا تقصروا الميزان ميزان الخلق. ميزان التعامل مع الخلق. الميزان الاول ميزان تعاملك مع ربنا سبحانه وتعالى ان ربنا يقدم على اي شيء في حياتك. يبقى الاول والاخر في حياتك في كل شيء. ما فيش حاجة قبله ولا بعده

ابدا. ان ربنا تحبه اكثر من اي شيء. تخاف منه اكثر من اي شيء. طب لو الميزان ده اختل - 00:26:27

وصوت قهري. هوس اكتئابي. آآ انتحار. آآ جعل فقره بين عيني. ضحك كل اللي انت عايز تقوله قلبه. طيب والميزان الثاني اللي هو الميزان التعامل مع الخلق بقى. ولا تخسروا الميزان. ازاي انك تبقى في ميزان في تعاملك مع زوجتك. مع مع الناس اللي انت بتتاجر

معهم. امين في - 00:26:47

مع جيرانك مع امك مع ابوك. مع ولادك عندك ميزان في التعامل مع الحياة. لو الميزان ده باز. المجتمع يتملى بلطجة وزلم. والنفوس تتملى في فشل. يبقى كل واحد في المجتمع فاشل في مجاله. طيب والدنيا سقب في في الاوزون. آآ تغير في حرارة الجو. تغير في

في نزول المطر ليه - 00:27:07

لان الميزان باز يا جماعة. لو امر واحد من اوامر ربنا ما تنفرض الميزان بيبوز. امر واحد. المجتمع كله ييبوز. الحجاب بس. مش متنفرض على النساء في المجتمع بتاعنا شوفوا الحال وضعه ايه. والارض وضعها للنام. الله! لما انت تبقى قاعد في الصالون وانت معزوم

عندي على الغدا واقوم مكمل السفارة! اقول لك خلاص - 00:27:27

المائدة. وضعت يعني الارض دي مائدة. الارض دي اوبن بوفيه. اوبن بوفيه يا انس ويا جن. الارض دي اومن بوفيه سكان الكرة الارضية الارض دي اوبن بوفيه يا حكام ويا محكومين ويا اغنياء ويا فقراء ويا رجال ويا ستات ويا اطفال ويا قويين ويا ويا مدنيين

ويا يا - 00:27:47

الناس بكل سقافات وكل اللغات الارض تؤمن بوفيه والارض وضعها للنام. الام المفيدة فيها ايه يا رب؟ فيها فاكهة. طب والفاكهة ربنا قبل الحب اللي هو الاكل الضروري في الحياة. اه ربنا بيقول لك افكر كرامتك قد ايه. شف الاكرام اللي كرمته لك. والارض وضعها

للنام. فيها فاكهة - 00:28:07

والنخل ذات الاكمام. الفواكه الاول والحب ذو العصف الحب زي حبوب القمح مسلا. والعصف اللي هو التبن. طلعت لك من الارض اكل لك والبهايمك يعني ما نستكش ولا نسيت بهائمك. يعني يعني عايز ايه؟ انت المفروض عايز بعد كده ايه؟ والرياحان. يعني في الامور

المفيدة فيه بكيهات ورد - 00:28:27

اوكي يا جماعة منها الجوز واللوز وعين الجمل والكاجو. طب والريحان الورد والفل والياسمين والريحان البلدي والريحان كل دي بوكيهات ورد محطوطة هنا انت بتاكل عشان الريحه لما تدخل على محل عطور مين اللي خلق العطور دي كلها؟ شف ربنا سبحانه

وتعالى الفواكه كل فاكهة متعطرة قبل ما ربنا يطلعها - 00:28:47

من الارض بعطرها لك. كل فاكهة لها عطر غير الثاني وريحة جميلة غير الثاني. ايه الاكرام ده يا رب! والارض وضعها للنام. بس خد

بالك احنا قاعدين على الارض. متهيأ لي الارض دي هادية. والارض دي ما فيش فيها مشاكل. والارض ده احنا يا جماعة قاعدين على كراسة. ده الارض دي كورة منطلقة وسط احنا تحت رجلينا حمى مباركين - [00:29:07](#)

ومع ذلك ما بنشوفش طالع غير الورد والياسمين. وفوق راسنا رياح شمسية قاتلة. واشعة كونية مسممة وجوب ونيازج حارقة ومع ذلك ما بينزلناش من غروب الشمس والقمر. يا جماعة ده احنا عايشين على قرى منطلقة وسط شهب ونيازك نارية مرعبة. احنا اللي مش واخدين بالنار الارض بتتحرك حوالين نفسها - [00:29:27](#)

بصورة الف ميل في الثانية في الساعة. الف ميل في الساعة اسرع من ايه! ده ده زي سرعة الطائرة. وبتتحرك حوالين الشمس في نفس الوقت بسرعة ستين الف ميل في الساعة - [00:29:47](#)

وهي والشمس بيتحركوا في نفس اللحظة حوالين المجرة بسرعة عشرين الف ميل في الثانية. يا جماعة احنا كورة منطلقة رهيبة وسط كتل نارية مرعبة. يعني حضرتك بس لو بصيت من الشباك قلبك هيقف. يعني حضرتك انا قمت جاي على برجين عاليين جدا جدا جدا. وقمت جايب ما بين السطح ده والسطح ده لوح خشب وقمت حاطط عليه كرسي - [00:29:57](#)

تراييزة قلت لحضرتك اتفضل وكل وانت حاطط رجل على رجل وانت حضرتك مبسوط قلت لك طب ممكن تبص تحتك بس فانت بتبص تحتك كده لقيت نفسك هتموت ايه ده انا ما كنتش اعرف ان انا - [00:30:22](#)

ده انا باحسب ان انا قاعد في هول ده انت حضرتك قاعد في وضع مربع فوق ما تتخيل. ومع ذلك وضعها. الارض هادية والارض ساكنة والارض مستقرة نعم من ربنا - [00:30:32](#)

فين شكرها؟ حسيت انك جحت ولا لأ؟ حسيت انك غافلة ولا لأ؟ يا جماعة مصيبة المعصية ان ما حدش يقدر يعصي ربنا الا بنعمه. النعم دي هي اللي ربنا - [00:30:42](#)

بها. مش النعدي اللي ربنا سبحانه وتعالى تقرب اليه بها. يا جماعة سورة الرحمن نداء هتاف هتاف في سكان الكرة الارضية افتركوا انا عملت لكم ايه؟ اتكسفوا اتكسفوا والحب ذو العصف والريحان. فباي الاء ربكما تكذبان. واحد وتلاتين مرة. سؤال ربنا بيحطك قدام نفسك. فباي الاء - [00:30:52](#)

ربكما تكذبان. واحد وتلاتين مرة بيكرر النداء. طب ده مش كثير! مش ده تكرار! مش تكرار! ده على الغفلة اللي احنا فيها لو كان ربنا قالها الف مرة ما كانتش بقت كثير. طيب - [00:31:17](#)

كل مرة لها معنى كل مرة لها معنى غير الثاني. ده احنا ممكن ناخذ حلقة بس فباي اله ربكما تكذبان. معناها وسط ايات الجنة ايه ووسط ايات النار ايه؟ وسط ايات النعم ايه - [00:31:27](#)

احصائيات جلال ربنا ايه؟ اللي هم الاربع مواضيع اللي اللي في سورة الرحمن. ده ده يا جماعة عايزين نحس ربنا بيقول لك اوعى تقول انك ما ادتكش، اوعى تقول ان انا ما - [00:31:37](#)

اوعى اوعى ده انا ساعة ما هاقرك بكلمة فباي الاء ربكما تكذبان؟ يوم القيامة ساعة العرض لحم وشك هيوقع اوعى خد بالك خد فباي اهو الاف الايات القرآنية. والاف الايات الكونية والاف الفواكه والاف النعم. ولحوم وحلويات وامطار وانهار والى بها. ايه اللي من ده - [00:31:47](#)

انت نسيت وباللي اديته لك. ايه اللي من ده بتنكر انه نعمة من نعمة عليك؟ اتكسفنا ولا لسة يا جماعة؟ ندخل في التلت الثاني من السورة او الجزء الثاني من السورة. الجزء الاولاني انت عارف - [00:32:07](#)

وربنا يرحمك قد ايه! اداك قد ايه! عمل لك ايه! انت كنت من غيره هتبقى ايه! انعم عليكم قد ايه! التلت الثاني انت عارف جلال ربنا قد ايه ما احنا قلنا مرتين ذو الجلال والاکرام. في الاول الاكرام اهو. بعد كده الجلال بقى. شوفوا الجلال. شف انا انا خلقت ايه من ايه؟ اول حاجة شوفوا جلال ربنا. خلق ايه من - [00:32:17](#)

خلق الانسان من صلصالك الفخار شوية طين شوية خزف طلعت منه بكل الاعجاز علماء الطب بقى لهم تلتमित سنة بيدرسوا ليل نهار في جسمك ومش عارفين مش عارفين وفي الاخر يقولوا ان نون مش عارفين مش فاهمين الموضوع بيشتغل ازاى وخلق الجان من

ماريج من نار الجن جه من شوية السنة لهب - 00:32:37

الجن يا جماعة مخلوق عجيب جدا زيه زيڪ. اعضاء وجسم وصوت وكلام وما تشوفوش. والملائكة اعجب مني واعجب مننا ومن الجن. الملائكة لا الجن بيشفوها ولا انت بتشوفها. مخلوقات عجيبة! عجيبة في قدرة الله! ازايا! ازايا ربنا يخلق مخلوق ممكن يكون قاعد هنا هو قدامي وانا مش شايفه! ومخلوق ثاني قاعد هنا هو - 00:32:57

اللي انا شايفه ولا ده شايفه سبحان الملك! سبحان الله العظيم فباي الاء ربكما تكذبان! انتم لسة ما فقتوش! انتم لسة ما حسيتوش بالنعم! انتم لسة قلوبكم ما اتهزت! لسة ما حسيتوش بجلال ربنا سبحانه وتعالى! رب - 00:33:17
مشرقيين ورب المغربيين. انت عارف هيمنة ربنا على كل شيء في الكون قد ايه؟ هيمنة ربنا. يعني ايه رب المشرقيين يا جماعة؟ هو رب المشارق الشمس تلتمية خمسة وستين مطلع يبقى دواب المشارق. سبحان الملك متحكم في كل شيء. طب رب المشرقيين اه ده فيه كواكب اكتشفوا ان لا شمسين جميل جميل ده كواكب - 00:33:32

شمس بتاعتنا دي يعني ايه مشرقين؟ يعني ايه في الشمس بتاعتنا دي مشرقين؟ يا جماعة الشمس بتاعتنا لها مشرقين هم فين دول؟ مشرق طول عمرها وطول عمر شوقي ان الشمس لغاية في لحزة. الملك هيقول لها في اخر الزمان اطلعي من الغرب. هتطلع من الغرب. يبقى لها مشرق. مشرق من هنا ومشرق من هنا. ومغربين مغرب من هنا - 00:33:52
المغرب من هنا. اطلعي من هنا تطلع. اطلعي من هنا. تطلع عبد ذليل لله. المجرات تحت سيطرة الله. فباي الاء ربكما تكذبان؟ انتم ما اتزلزلتوش مارج البحرين يلتقيان بينهما برزخ لا يبغيان. مية دال مالحه وماية دا عذبة. الملح اللي مالي تلت تربيع مية الارض لولها كان زمان - 00:34:12

انت ثلاث اربع الارض مستنقعات اسنة. طب ما فيش زابط ملح تقوم فلتنة من هنا لهننا تقوم المملحة دي ممنوع. ممنوع ايه ده زرة؟ ممنوع زي ما ربنا المجرة رب المشرقيين حكم الزرة مرج البحرين. يعني هيمنة الله من المجرة الى الذرة. من المجرة والافلاك الى ذرات - 00:34:32

الماية وزرات الملح هيمنة هيمنة شاملة. مرج البحرين يلتقيان بحار جوة البحار دي خصائصه دي خصائص. انهيار بتلتقي بالبحار دي خصائص ودي خصائص بينهما برزخ لا يبغيان. انت اللي بتبغي بس. ابن ادم اللي بيبغي الكائنات كلها مطيعة. قد ايه الكون كله خاضع لربنا سبحانه وتعالى - 00:34:52

وباي الاء ربكما تكذبان؟ وبعد كده انت عارفة قدرة ربنا على كل شيء قد ايه؟ ايه قدرة ربنا يخرج منهما اللؤلؤ والمرجان؟ شف يخرج ايه من خرج من شوية مائة وملح لؤلؤ. انت عارفة انه لؤلؤ ده لعاب كائن من الكائنات البحرية. لعابه لما بيريل لما بيريل - 00:35:12

نتيجة انزار التراب دخلت الصدفة بتاعته الريالة بتاعته ده هي اللي هي اللؤلؤ. سبحانك يا رب! سبحانك يا خالق يا عظيم! لما واحد يقول بقى ان ريق اهل الجنة لو تفل في البحر لجعله الله قادر. اذا كان ريق مخلوق في الدنيا بقى لؤلؤ يا جماعة. المرجان اللي هو الشعب المرجانية لما بتموت الهيكل العظمي بتاعها هو المرجان - 00:35:32

حجب كل اللوان سبحان الله! وللاء الجواري المنشآت في البحر كالاعلام. شوفوا ماشية ايه على ايه! شوفوا العملاقة المنشآت ديت في القانون قانون البحري عايزين يوصفوا السفن العملاقة دي يسموها ايه؟ عشان يتعاملوا معها في الضرايب وهي معدية في في على الدول. في الاخر لم يجدوا في القانون العالمي وصف الا كلمة منشئة - 00:35:52

اعجاز اعجاز حقوقي في القرآن وله الجواري المنشآت في البحر كالاعلام. فباي الاء ربكما تكذبان؟ وبعد كده انت عارف قهر ربنا كل الطلاق قد ايه؟ كل من عليها فان. في يوم من الايام ملايكة السماوات السبع هتموت وحملة العرش هيموتوا. وجبريل واسرافيل وميكائيل هيموت - 00:36:15

وكلنا هتموت والحفظة اللي على اليمين والشمال هيموت. ايه ده! وكل الكائنات هتموت. الله! طب والعرش لما حملة العرش يموتوا مين اللي هيشيل له كان حملة العرش هم اللي شايلين العرش. ده ربنا ولا حمل حملة العرش والعرش! هو ربنا ربنا مش محتاج حد لما

وربنا يهيمن مهيمن على كل شيء من قبل ومن بعد. ويبقى وجه ربك. يا سلام على جمال وجهك يا رب! اللي سمى نفسه بديع السماوات والارض سموات الارض يعني ليس له مثيل في جماله. يعني بديع الشيء شيء البديع اللي ما لوش مثيل في جماله. ربنا لا مثيل في جماله. اللي خلق الجمال ده كله جماله قد ايه - 00:36:52

يا سلام على جلال وجهك يا رب! كما ينبغي لجلال وجهك وعظيم سلطانك. عزيز السلطان اللي جنن العلماء. طب ما بالك جلال وجه الله قد ايه اذا كان جلال وجه الله ذكر قبل عزيز السلطان. يبقى الجلال قد ايه يا سلام على من وجهك يا رب! اذا كان حورية بتدحك في الجنة بتنور سماء الجنة. نور وجه مخلوق - 00:37:12

سماء الجنة. امال ليه الوجه الخالق ابدًا؟ يا سلام على واحد على ساعة ما هننظر في وجهك يا رب بس هننظر في وجهك بانهي عين بالعيون اللي عصناك بها. هنظف وجهك ازاى يا رب! واحنا صحفنا مليانة غفلة ومليانة زنوب ومليانة معاصي ومليانة تقصير. ومليانة فقر - 00:37:32

عندها فقر دم. صحف عندها فقر حسنات. صحف فقيرة. هنعمل ايه يا جماعة؟ هننظر لوجه الله ازاى؟ ويبقى وجه ربك ذو الجلال والاکرام. لو ربنا اللي بيبقى الملوك كلها بتموت. الحاكم الفلاني اللي سافر ام ابنه قام ماسك الحكم مكانه. الملك حسين ها سرطان - 00:37:51

حسين انا بجيب لكم الملوك الوقتي. مات آآ معدم. خليفة العباسي زمان مات بالضرب بالجزم. شجرة الدر ماتت بالابايب. لوران كابيل في افريقيا. الحارس بتاع قتله بالنار ها نابليون مات في المنفى هتلر مات منتحر. لسة مين تاني؟ لسة مين تاني يا جماعة؟ النمروذ مات بالضرب بالجزم لما الدبابة دخلت في مناخيره - 00:38:11

مش عارفين يطلعوها. هي شاه ايران مات بالسرطان في مصر. لسه مين تاني يا اخوانا؟ لسه مين تاني؟ لسه مين تاني من الحكام كله بيموت وكلهم بيموتوا اصعب بوتات الصبح عشان ربنا يقول لك مين الملك؟ سبحانه وتعالى. كل من عليها فان ويبقى وجه ربك ذو الجلال والاکرام. فباي الاء ربكما تكذبان؟ - 00:38:31

من في السماوات والارض انت عارف غنى ربنا قد ايه. وافتقار كل شيء يسأله من في السماوات ومن في الارض. يسأله من في السماوات والارض. الملائكة مفتقرة اه بتدعي اه بتطلب ايه لا - 00:38:51

كل يوم هو في شأن. يعني ايه يا جماعة؟ ربنا في السورة ذكر اعظم ثلاث رحمت في الوجود. اعظم رحمت الدين القرآن علم القرآن. اعظم رحمت الدنيا يسأله من في السموات والارض اجابة الدعاء. اعظم رحمت الاخرة اللي هي آيات الجنة اللي هي اطول شوط عن الجنة في القرآن. اتنين وتلاتين اية عن الجنة - 00:39:01

ربنا جاب اعظم رحمت في سورة الرحمن. السورة اللي احنا عايزين لما نقرأها ننكسف نتكسر. نتكسر للملك سبحانه وتعالى يسأله من في السماوات والارض وخزاين ربنا مائة. كل يوم هو في شأن. كل يوم فيه عطاءات وفتوحات عظيمة. نصيبك منها قد ايه. الليلة مازا انزل الليلة - 00:39:21

من الخزائن نصيبك منها قد ايه؟ يعني ايه شأن شأن ده يعني امر لا يختص به الا واحد. شؤون العاملين اللي عايز حاجة في امور العاملين يروح هنا. شأن يعني حاجة لا - 00:39:40

بها الى الله. يعني ما تروحش تدعي حد تاني لا بدوي ولا غير بدوي ولا مسؤول ولا غني. ما تدعيش غير ربنا ده شأنه. وحده كل يوم هو هو لوحده - 00:39:50

لا يختص بك غيره هو في شأن فباي الاء ربكما تكذبان وبعد كده يا جماعة بعد ما ربنا يكلمنا عن اكرامه وكلمني عن جلاله يبدأ التهديد ده الجزء اللي في النص في الصورة اللي هو جزء التهديد. خد بالك المعاملة ممكن تتغير. المعاملة ممكن تتغير ازاى - 00:40:00
سنفرغ لكم ايها الثقلان سنفرغ لكم. يا رب ده انت يا رب خلقت السماوات السبع بكلمة كن وبتهدها بكلمة كن. انا يا رب اقدر انك تقول لي انا سنفرغ لكم - 00:40:17

كلمة مرعبة. ده كلمة مفزعة. طب ستفرغ لنا يا رب هو انت مشغول وهتفضلنا استغفر الله العظيم. ده كلمة من لا يفقه اللغة ربنا لا

يشغله شيء عن شيء. ربنا في نفس اللحظة اللي كان بيكلم - [00:40:27](#)

موسى على جبل الطور فيها. كان بيسمع ممكن الاربعة ممكن سبحانه وتعالى بيرتب رزق كل البشر وبيفرج كرب المكروبين وبيشفي المرضى. في نفس اللحظة اللي بيسمع دعاء اربعة مليون واحد على جبل عرفات. بيرتب رزق ستة مليار واحد على الارض. في نفس

اللحظة دهيت بيعلم ما يلج في الارض وما يخرج منها ويراهم - [00:40:37](#)

قل لهم في نفس اللحظة داهيت ما يسقط من ورقة الا يعلمها في نفس اللحظة. رغم انها لو قلت لك راقب عشر حاجات بتتحرك في

وقت واحد. مخك يطير ما تقدرش - [00:40:57](#)

استحمل في نفس اللحظة اللي بيسمع فيها دعاء كل الملايين على وجه الارض والسموات. في نفس اللحظة اللي ملايين البشر بيصلوا في عشر اشارات الالوف في المساجد ويعلم حال قلب كل واحد منهم. في نفس اللحظة اللي بيرتب رزق كل المخلوقات من ملايين

الانواع على وجه الارض. في نفس - [00:41:07](#)

في اللحظة في نفس اللحظة الله يا جماعة لا يشغله شيء عن شيء. امال ايه سنفرغ لكم في اللغة سنفرغ لكم؟ اي الاخذ على غرة

يعني لما هتتاخذ هتتاخذ فجأة - [00:41:27](#)

هتتاخذ وانت مش محتسب. هتتاخذ وانت ما كنتش واخذ بالك. سنفرغ لكم ايها حتى ايها الهاء ما فيش بعدها الف. الف يه هه ما فيش بعد الايه؟ الف ايها اخرها الف لام ما فيش الف ليه؟ ما فيش مد ليه؟ لان العاصي حقير اصلا يتمد ليه؟ يتمد لكلاية المصحف

نفسها اعجاز. ايها الثقلان. انت فاكرك نفسك - [00:41:39](#)

كل واحد فاكرك نفسه له ثقل وله وزن. ايوة تعالوا يا اللي فاكركم ان لكم ثقل. وايها الثقلان يا اللي تقال في الطاعة. تقال في الامر والنهي. تقال في اقبل على ربكم وايها الثقلان يا اللي تقال على كل شيء في الكون. البحر بيستجير منكم والسما بتستجير منكم.

والشمس بتستجير من العصاة - [00:41:59](#)

على قلب كل شيء في الكون فباي الاء ربكما تكذبان؟ يا معشر الجن والانس ان استطعتم ان تنفذوا من اقطار السماوات والارض

فانفذوا. لا تنفذوا الا بسلطان. ربنا هو بيتكلم بالبيان والجن والانس. قال لهم انتم لسة متمردين! انتم لسة مصممين على المعصية!

انتم لسة مصممين على ملء الجماعات بالمعاصي والنواصي والمعاصي والقنوات بالمعاصي! لسة - [00:42:19](#)

مطمنين على الجرايد العلمانية والبرامج العلمانية لسة مصممين على لسة مصممين على ان الميعاد ربنا يعصى في الارض جرا لسة مصممين خلاص في ثلاث رسائل الرسالة الاولى مصممين متمردين طب برة فانفذوا. برة ملكي برة فين يا رب! ده احنا ما فيش برة يا

رب برة فين! ده احنا ما لناش غير رزقنا هنا - [00:42:42](#)

خلاص يبقى اتعدل بقى. الرسالة الثانية. انتم في قبضتي. انتم في قبضة الملك. هتهربوا فين؟ اقطار السماوات والارض. هتهربوا

فين يا غلابة تروح فين ده انتم في قبضة الملك هو اللي سايبكم الى اجل. الرسالة الثالثة. الرسالة الثالثة ان البشر هيفضلوا يتحدوا

ربنا فعلا. ويفضلوا يطلعوا في الفضاء النهاردة القمر بكرة المريخ - [00:43:02](#)

بعد اي خروج برة المجموعة الشمسية خالص بعده بعده لغاية ما وايه يقول لك حرب الكواكب بتحاربوا مين؟ يقول لك تشالنجر

المتحدي ويتحدوا مين؟ لغاية ما ييجوا يطلعوا مرة هيلاقوا يرسل عليكم شواظ من نار ونحاس فلا تنتصران. يعني هيبجي اسلحة -

[00:43:22](#)

من الله سبحانه وتعالى. لا قبل للبشر بها. لا طاقة للبشر بها. لا يستطيع البشر على الاطلاق ان هم يقاوموها ولا يواجهوها. لا يرسل من

نار ونحاس فلا تنتصران اشواظ من نار زي اشعة الليزر كده او زي اشعة النارية اللي ما فيش فيها دخان حاجة رهيبة. ونحاس -

[00:43:41](#)

توحشنا حسم زائب مذاب اسلحة فتاكة. يعني الاية دي هتحصل. البشارة يطلعوا مرة وهيواجهوا بالاسلحة الفتاكة داهية. الاية دي من

الاعجاز الغيبي اللي هيحصل فباي الاء ربكما تكذبان. بعد كده ربنا يا جماعة انا عايز اقول لكم ان الشوط اللي فات ده اهو كله ربنا

سبحانه وتعالى بيتكلم عن رحمت الرحمن - 00:44:01

نتكلم عن جلال الرحمن وبعد كده بيقول لك حاسب ان المعاملة تتغير. حاسب ان المعاملة تتقلب حاسب ان كل حاجة تتغير وكل حاجة تتقلب. احذروا يا جماعة. احذروا وانتم بتعاملوا ربنا سبحانه وتعالى. احذروا من تغير المعاملة مع الله. لسه - 00:44:21

تاني من الصورة النص الثاني انقلاب فجائي. فاذا انشقت السماء. فاذا دي للمفاجأة. يعني حاجة حصلت فجأة ما كانش متوقعة ولا كان فيه احتساب لها. فاذا شقت السماء اذا دي للمفاجأة يعني ايه ؟ يعني السما السما اللي كانت بتنزل الرحمت بقت بقت وردة كدالن. السما اللي كانت بتنزل الرحمت بقت بتقصف - 00:44:36

وزن النار ونحاس. يعني ربنا بيقول اوعوا تفتكروا ان الرحمت دي هتفضل كده طول ما انتم متجاهلين نعم ربنا. وطول ما انتم مغترين بنعم ربنا. وطول ما انتم بتاخذوا نعم - 00:44:56

ربنا تحاربوه بها وتعضوا بها لا. كل الرحمت دي هتتغير. وكل الرحمت ديت هتتقطع المفروض ان احنا كنا هنكمل مع بعض سورة الرحمن. وهنتكلم معها ولكن انا لا ادري هل الوقت طال يعني يعني تقريبا لم يعد الا دقائق بسيطة. فانا شايف يا اخواني - 00:45:06

ان احنا يعني نختم على هذا. ونقف على هذا لغاية قلنا التلت الجزء الاولاني الرحمن. علم القرآن. خلق الانسان. الرحمت ديت سيل من الرحمت الرهيبة. متنزل على الانسان. فيضان رحمت - 00:45:23

كل اية فيها رحمت لا تحصي. كل عضو من جسمك فيه رحمت لا تحصي. كل حاجة من البيان اللي ربنا اداه لك فيه رحمت لا تحصي. والكون كله وساجد وركعة لربنا سبحانه وتعالى. اول حاجة افكر انا عملت لك ايه. وبعد كده من اول خلق الانسان من صلى الله عليه وسلم كالفخار. افكروا جلال ربنا قد ايه - 00:45:39

ايه ؟ افكروا خلق ايه من ايه ؟ افكروا هيمنتته على المجرات وعلى الذرات قد ايه ؟ رب المشرقين مرج البحرين. افكروا ربنا سبحانه وتعالى خرج ايه من ايه ؟ - 00:45:59

اللؤلؤ والمرجان من الماية والملح. افكروا ربنا ماشية ايه على ايه ؟ مشى المنشآت السفن العملاقة على الماية. افكروا ربنا سبحانه وتعالى قهر الخلائق كلها قد ايه كل من عليها فان وجه ربك. حتى الملوك فانيت. افكروا ربنا سبحانه وتعالى. استغنى عن الخلق قد ايه وافتقر اليه الخلق قد ايه ؟ يسأله من في السماء - 00:46:09

السموات والارض كل يوم هو في شأن. عايزين نتعرض لشؤون الله. لا عطاءات الله لفتوحات الله. لكرم الله لنعم الله. للعطاءات الخاصة من الله سبحانه وتعالى. وبعد كده دخلنا في الجزء اللي بعد كده اللي هو التحدي بقى سنفرغ لكم ايها الثقلان. هتتاخذوا على غيرنا لو فاضل الموضوع كده - 00:46:29

لو فضل كده الدنيا اتقلبت اهو السما اللي كانت بتنزل مطر ورحمت بقت بتنزل شواز بالنار ونحاس. ونهني عند الجزء الديوي والمشاهد وهي في سورة الرحمن مشاهد الاكرام والجلال. مشاهد ذو الجلال والاکرام. ونبدأ المرة الجاية باذن الله من اول فاذا انشقت السماء من مشاهد - 00:46:49

الاخروية هنشوف بقى يا جماعة ان شاء الله المرة الجاية الرحمن لو قطع رحمته بيحصل ايه ؟ والرحمن لو وصل رحمته بيحصل ايه هنشوف مش انا قلت لكم الرحمن. اشتاق للرحم اسما من اسمه. الرحم بتحيط بالجنين من كل ناحية. رحمة شاملة محوطاك من كل ناحية. زي الغلاف الجوي والشمس والقمر - 00:47:09

والهوا من كل ناحية وفيه رحمة نافذة زي الحبل السري بتنفلز لك في اي مشكلة. لو انت مع مع يوسف في السجن لو انت مع مع يوسف الجب لو انت مع يونس في بطن الحوت لو انت مع ابراهيم في النار. لو انت مع رسول الله صلى الله عليه وسلم في الغار هتتفد لك. هذه الرحمة النافذة - 00:47:29

انا عايز اقول لك بقى المرة الجاية لو هزه الرحمت النافذة اتقطع لجنين بيحصل ايه كل حاجة بتنتهي. هنشوف المرة الجاية يا جماعة اشمعنى الايات دي جت في سورة الرحمن ؟ اشمعنى في سورة الرحمن ؟ ربنا قال ولمن خاف مقام ربه جنتان. المرأة الوحيدة في القرآن اللي اتذكر فيها - 00:47:49

اشمعنى في سورة الرحمن؟ اشمعنى في سورة الرحمن؟ المرة الوحيدة اللي ربنا قال يؤخذ بالنواصي والاقدام. اشمعنى العضوين دول بالزات؟ مع سورة الرحمن. اشمعنى في سورة الرحمن اتنين تلاتين اية عن الجنة. اشمعنى في سورة الرحمن ربنا جاب مقامات الجنة المتنوعة. اشمعنى في سورة الرحمن ربنا وصف عذاب النار بهذه الاوصاف بالزات - [00:48:07](#)

متميزة عن اوصاف النار في كل السور. الاخرى عشان نعرف اعجاز كلام ربنا. سورة الرحمن بتتكلم عن اكثر موضوعين يقلبوا حياتك. عن الله وعن مقامات الجنة اكثر موضوعين يقلبوا حياة اي انسان. ويغيروا حياة اي انسان. سورة الرحمن. عايزين باذن الله سبحانه وتعالى المرة الجاية - [00:48:27](#)

نكمل هذه الصورة ولكن باذن الله سبحانه وتعالى لا ننسى يا جماعة احنا قلنا اسم الله ذو الجلال والاکرام. الرسول عليه الصلاة والسلام في الحديث بيقول الظوا بيا ذا الجلال - [00:48:47](#)

الجلال والاکرام. الظوا يعني الزموها. يعني طول ما انت ماشي يا ذا الجلال والاکرام. يا ذا الجلال والاکرام. اهدي قلبي. يا ذا الجلال والاکرام اصلح حالي. يا ذا الجلال الاکرام ارزقنا الجنة. يا ذا الجلال والاکرام اشف امراضي. يا ذا الجلال والاکرام. وازن الليلة يا جماعة احنا تناولنا جزء يعني ايه زو الجلال. وجزء يعني ايه - [00:48:57](#)

اکرام فانت وانت بتقول هتبقى عايش معه. عايزين يا جماعة نعيش معها لغاية ما نكمل سورة الرحمن. المرة الجاية عايزين باذن الله سبحانه وتعالى الليلة والاسبوع ده نقوم الليل سورة الرحمن ونحفظ سورة الرحمن عروس القرآن. العلماء سموه عروس القرآن ليه؟ اول اية فيها اسم من اسماء الله الرحمن. واخر اية فيها اسم من اسماء - [00:49:17](#)

ذي الجلال والاکرام. بدأت باسم من الاسماء الحسنى وختمت باسم من الاسماء الحسنى. سورة كلها حسن وكلها جمال. على جمال. العروس بتبقى ايه اكثر واحدة متزينة في المكان. واكثر واحدة جميلة في المكان. يعني العلماء قالوا دي اجمل سورة في القرآن كله. دي عروس القرآن يا جماعة. عشان كده - [00:49:37](#)

يعني باذن الله سبحانه وتعالى لعل من لطف ربنا سبحانه وتعالى ان الوقت يعدي ونسيب النص الثاني ايات الجنة وايات قطع الرحمت في الاخرة. ايات وصل الرحمت وقطع مات في الاخر جنة الرحمن لما يشاء انه يسعدك هيعمل لك ايه؟ ولو الرحمن ومن قطعك قطعته. لو الرحمن اراد انه يقطع رحمته عن عبد - [00:49:57](#)

هيعمل فيه ايه؟ لو اراد انه يبت رحمته عن عبده ومن قطع عقب بتته. لما ربنا قال للرحم كده ومن قطعك بتته. لما الرحمن يريد انه يبت عبد يقطعوا من جدوره هيعمل فيه ايه؟ هي دي باذن الله سبحانه وتعالى. المرة الجاية - [00:50:17](#)

الصورة يا اخواني باذن الله سبحانه وتعالى نقوم الليل بها. نشوف الصورة الجميلة ديت وقعها على قلوبنا ايه. نقوم الليل بها نحفظها نقرأها طول الاسبوع. ونستعد للنص الثاني باذن الله - [00:50:32](#)

وتعالى من الوقتي لعل ربنا سبحانه وتعالى يعني اراد انه يوقفني على هذه السورة مرتين عشان يبقى لنا حظ عظيم من رحمت الرحمن وحظ عظيم من اتصال باسم الله الرحمن لعلنا نبقي من عباد الرحمن. باذن الله سبحانه وتعالى. يا جماعة ورد القرآن ما يتنسيش. يا شباب يا امة محمد بالله عليكم. يا - [00:50:42](#)

سكان الكرة الارضية من المسلمين ورد القرآن يا جماعة. ورد القرآن السلسلة ديت والله يا جماعة سلسلة الجزء التسعة وعشرين اللي اديتها قبل كده. وسلسلة الجزء السبعة وعشرين اللي دلوقتي كل ده هدفه ان ورد القرآن يتزبط في حياتنا. وان علاقتنا بالقرآن تتزبط. رمضان لسه عليه ثلاث شهور يا جماعة. عايزين نبدأ ننتبه لورد القرآن. الزمي - [00:51:02](#)

الوقت عاهد ربنا دلوقتي بحاجة من تلاتة. يا هتقرا من اول الليلة من اول النهاردة كل يوم جزء يا كل يوم حزب يا كل يوم ربعين. قرر حالا اهو. قرر عهد عليك قدام ربنا. فان منزلتك عند اخر اية كنت تقرأها. كنت على - [00:51:22](#)

بتقرا وتعيد وتكرر وتروح وتيجي. كنت على طول بتقرا لك ورد قرآن. يا جماعة ورد القرآن يا شباب. ورد القرآن ازاى حبل الرحمت علم القرآن اعظم رحمة واكبر رحمة واكثر رحمة توصلك بالرحمن. وهتخليك من عباد الرحمن. ازاى ورد القرآن يتقطع في حياتنا؟ ويبوز في حياتنا يا جماعة. يبقى عهد - [00:51:39](#)

ربنا دلوقتي عاهد ربنا الوقتي. يا اما يوميا جزء ما اناش قادر. اه فيه ناس هتقدر ان شاء الله. طيب يا اما يوميا حزب اه في النص

كده ماشي؟ يا اما يوميا ربيعين عشان بس نسبة - [00:51:59](#)

يا جماعة يبقى فيه صلة بينا وبين حبل الرحمات الموصول من يد الملك سبحانه وتعالى اللي هو القرآن الكريم. حبل الرحمات زي ما ربنا سبحانه وتعالى سماه في سورة ال عمران اللهم تب علينا لتتوب. اللهم تب علينا توبة ترضى بها عنا. اللهم تب علينا توبة ترضيك.

تب علينا توبة تطهر بها قلوبنا - [00:52:09](#)

تزكي بها نفوسنا وتثبت بها على الحق اقدامنا. وتنقي بها صحائفنا. يا رب يا رب لا تجعل في قلوبنا الاك. ولا تجعل الا رضاك ولا تجعل

رغبتنا الا اليك ولا تجعل توكلنا الا عليك. اللهم يا ربنا زدنا علما فقهنا في القرآن - [00:52:29](#)

بالقرآن واجعلنا من اهل القرآن. اللهم استعملنا ولا تستبدلنا. اللهم استخدمنا ولا تستبدلنا. اللهم استعملنا في طاعتك ليلا ونهارا اللهم

بلغنا رمضان يا رب واعنا فيه على ذكرك وشكرك وحسن عبادتك. واعمر كل ساعة من اوقاتنا فيه بطاعتك يا - [00:52:49](#)

يا رب بلغنا رمضان واعنا فيه على طاعتك ليلا ونهارا يا رب. برحمتك يا ارحم الراحمين اقول قولي هذا واستغفر الله لي ولكم.

سبحانك اللهم وبحمدك. اشهد ان لا اله الا انت. استغفرك واتوب اليك. وجزاكم الله خيرا - [00:53:09](#)

يا نفس - [00:53:29](#)